

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa članovima 33. i 46. Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona”, broj: 1/22), na prijedlog Ministarstva zdravstva, Vlada Zeničko-dobojskog kantona, na 145. sjednici, održanoj dana 10.03.2022. godine, d o n o s i

ZAKLJUČAK

o usvajanju Programa utroška sredstava planiranih u Budžetu Zeničko-dobojskog kantona za 2022. godinu na poziciji „Ostali transferi za zdravstvo - Tekući transfer zdravstvenim ustanovama za sprečavanje širenja bolesti izazvane korona virusom-COVID-19“ Ministarstva zdravstva

I.

Usvaja se Program utroška sredstava planiranih u Budžetu Zeničko-dobojskog kantona za 2022. godinu („Službene novine Zeničko-dobojskog kantona”, broj: 1/22) na poziciji „Ostali transferi za zdravstvo - Tekući transfer zdravstvenim ustanovama za sprečavanje širenja bolesti izazvane korona virusom - COVID-19“ Ministarstva zdravstva u iznosu od 2.000.000,00 KM (slovima: dvamiliona konvertibilnih maraka), koji čini sastavni dio ovog zaključka.

II.

Sredstva planirana Budžetom Zeničko-dobojskog kantona za namjene predviđene ovim zaključkom realizovat će se isključivo u skladu sa realizacijom ostvarenih javnih prihoda u Budžetu Kantona.

III.

Zadužuju se Ministarstvo zdravstva i Ministarstvo finansija da realizuju ovaj zaključak, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/22
Datum, 10.03.2022. godine
Zenica

PREMIJER

Mirnes Bašić

DOSTAVLJENO:

1x Ministarstvo zdravstva,
1x Ministarstvo finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

**PROGRAM UTROŠKA SREDSTAVA
PLANIRANIH U BUDŽETU ZENIČKO-DOBOJSKOG KANTONA
ZA 2022. GODINU
NA POZICIJI „OSTALI TRANSFERI ZA ZDRAVSTVO - TEKUĆI TRANSFER
ZDRAVSTVENIM USTANOVAMA ZA SPREČAVANJE ŠIRENJA BOLESTI
IZAZVANE KORONA VIRUSOM - COVID-19“ MINISTARSTVA ZDRAVSTVA**

Zenica, mart 2022. godine

I UVOD

1. Pravni osnov

U skladu sa članom 33. stav (2) Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22), sredstva utvrđena u razdjelu 21, budžetska organizacija 01, potrošačka jedinica 0001, Budžeta Ministarstva zdravstva, ekonomski kod 614100, pozicija „Tekući transferi drugim nivoima vlasti“, koristit će se prema programima utroška, koje donosi Vlada Kantona.

U skladu sa članom 46. stav (1) Zakona o izvršavanju Budžeta Zeničko-dobojskog kantona za 2022. godinu, Ministarstvo zdravstva predlaže Vladi Zeničko-dobojskog kantona program utroška sredstava iz člana 33. navedenog Zakona, a stavom (3) istog člana Zakona propisani su bitni elementi programa: naziv programa, svrha programa, visina sredstava, izvori iz kojih će se finansirati, kriterij i naziv pravnog ili fizičkog lica koje prima transfer.

2. Naziv Programa

Sredstva tekućih transfera za zdravstvo sa pozicije Ministarstvo zdravstva Zeničko-dobojskog kantona koristit će se po programu pod nazivom:

Program utroška sredstava planiranih u Budžetu Zeničko-dobojskog kantona za 2022. godinu na poziciji „Ostali transferi za zdravstvo - Tekući transfer zdravstvenim ustanovama za sprečavanje širenja bolesti izazvane korona virusom - COVID-19“ (u daljem tekstu: Program).

3. Ciljevi Programa

Cilj donošenja Programa je finansijska pomoć zdravstvenim ustanovama u uslovima pandemije uzrokovane virusom COVID-19. Imajući u vidu da je pandemija ušla u treću godinu, kao i neizvjesnost njenog trajanja, planirana su sredstva za sve zdravstvene ustanove koje su korisnici Programa, a koje u provođenju mjera zdravstvene zaštite i liječenju pacijenata pozitivnih na COVID-19, kao i procesa provođenja vakcinacije imaju dodatne troškove, kako u oganizacionom smislu, tako i u materijalnim sredstvima. U realizaciji planiranih sredstava vodit će se računa o prioritnim potrebama zdravstvenih ustanova u skladu sa kretanjem higijensko-epidemiološke situacije, a sve u cilju kontinuiteta pužanja zdravstvenih usluga.

4. Izvori sredstava

U Budžetu Zeničko-dobojskog kantona za 2022. godinu na razdjelu 21, budžetska organizacija 01, potrošačka jedinica 0001, Budžeta Ministarstva zdravstva, ekonomski kod 614100, pozicija „Transferi drugim nivoima vlasti“ planirana su sredstva u iznosu 4.414.500,00 KM, a u okviru ove grupe transfera na poziciji „Ostali transferi za zdravstvo - Tekući transfer zdravstvenim ustanovama za sprečavanje širenja bolesti izazvane korona virusom - COVID-19“ planirana su sredstva u iznosu od 2.000.000,00 KM.

Sredstva će se realizovati donošenjem Programa i odluka Vlade Zeničko-dobojskog kantona o odobravanju sredstava, a prema operativnim planovima potrošnje usklađenim sa procentom ostvarenja javnih prihoda, osim u slučajevima odobrenim posebnom odlukom Vlade Kantona.

5. Korisnici Programa

Korisnici sredstava planiranih Programom su JU Kantonalna bolnica Zenica, JU Opća bolnica Tešanj, JU Institut za zdravlje i sigurnost hrane Zenica i javne zdravstvene ustanove primarne zdravstvene zaštite - domovi zdravlja sa područja Zeničko-dobojskog kantona. Navedena sredstva predstavljaju pomoć zdravstvenim ustanovama zbog dodatnih troškova koje zdravstvene ustanove imaju po osnovu nabavke dodatne zaštitne opreme, dezinfekcionih sredstava, PCR i

brzih AG testova, potrošnog materijala za PCR testiranje, provođenja vakcinacije i drugih materijalnih i nematerijalnih troškova koji su u funkciji sprečavanja širenja zarazne bolesti i liječenja COVID-19 pozitivnih pacijenata.

6. Kriteriji za raspodjelu sredstava

Izimajući u obzir činjenicu da pandemija ulazi u treću godinu, kao i neizvjesnost u pogledu okončanja pandemije, te trenutnu epidemiološku situaciju, sredstva planirana za pomoć zdravstvenim ustanovama bit će usmjerena na obezbjeđenje sredstava za neophodne nabavke koje nemaju kapitalni karakter, a za koje Ministarstvo zdravstva utvrdi da su prioritetne.

Obzirom da je u januaru 2022. godine došlo do pogoršanja epidemiološke situacije, te je evidentiran veći broj zaraženih pacijenata, povećan je broj testiranja, odnosno iskazane su veće potrebe za PCR i AG testovima i potrošnim materijalom za testiranje.

U tom smislu, u okviru planiranih sredstava, neophodno je obezbjeđiti sredstva zdravstvenim ustanovama za pokriće navedenih troškova.

Na osnovu iskazanih potreba za period januar - juni 2022. godine, koje su dostavile JU Kantonalna bolnica Zenica i JU Opća bolnica Tešanj bit će obezbjeđena sredstva za pokriće dijela troškova za navedene namjene i to:

1. Dio sredstava u iznosu od **550.000,00KM ili 27,5%** ukupno planiranih sredstava raspoređen je dvjema bolnicama **za nabavke PCR i AG testova sa potrošnim materijalom za testiranje,**
2. Dio sredstava u iznosu od **200.000,00 KM ili 10%** planiranih sredstava raspoređen je javnim ustanovama primarne zdravstvene zaštite i to za neophodne **nabavke AG testova i potrošnog materijala za testiranje, nabavke zaštitne opreme, zaštitnih sredstava i troškove provođenja vakcinacije,** uz korištenje dva kriterija raspodjele:
 - Svim domovima zdravlja raspoređen je iznos sredstava prema kriteriju potrošnje AG testova po općinama u 2021. godini, prema podacima JU Institut za zdravlje i sigurnost hrane Zenica u ukupnom iznosu 100.000,00 KM:

	Grad/Općina	Potrošnja AG testova u 2021. godini
- Svim	Općina Breza	412
	Općina Doboj-Jug	102
	Općina Kakanj	949
	Općina Maglaj	1.964
	Općina Olovo	356
	Općina Tešanj	2.065
	Općina Usora	508
	Općina Vareš	584
	Grad Visoko	1.306
	Općina Zavidovići	3.503
	Općina Zenica	7.180
	Općina Žepče	1.768
	Ukupno	20.697

domovima zdravlja raspoređen je iznos od 100.000,00 KM, srazmjerno broju stanovnika koji gravitiraju svakom domu zdravlja na području Zeničko-

dobojskog kantona, a prema broju stanovnika preuzetih iz publikacije „Zeničko-dobojski kanton u brojkama“ iz juna 2021. godine, koju izdaje Federalni zavod za statistiku, u kojoj je na strani 12. data procjena ukupnog broja stanovnika po starosnoj strukturi sa stanjem 30.06.2020. godine.

Grad/Općina	Broj stanovnika
Općina Breza	13.397
Općina Doboj Jug	4.096
Općina Kakanj	37.018
Općina Maglaj	22.634
Općina Olovo	9.201
Općina Tešanj	43.897
Općina Usora	6.339
Općina Vareš	7.723
Grad Visoko	39.095
Općina Zavidovići	35.008
Općina Zenica	109.093
Općina Žepče	29.774
Ukupno	357.275

- Planirana sredstva u iznosu **1.250.000,00 KM ili 62,5%** će se rasporediti naknadno, u skladu sa kretanjima higijensko-epidemiološke situacije i pandemije, kao i potrebama koje će utvrditi Ministarstvo zdravstva, za što će se donijeti dopuna ovog Programa.

II PROGRAM

1. Finansijska sredstva za pokriće troškova nabavke PCR i AG testova i potrošnog materijala za testiranje za potrebe bolnica

U cilju obezbjeđenja kontinuiranog provođenja testiranja u JU Kantonalna bolnica Zenica i JU Opća bolnica Tešanj, a u vezi problematike nabavke testova i potrošnog materijala u bolnicama, iznesenih na sjednicama Kriznog štaba Ministarstva zdravstva Zeničko-dobojskog kantona, Ministarstvo zdravstva je zahtijevalo od navedenih zdravstvenih ustanova izjašnjenje o potrebama za nabavkama za period januar - juni 2022. godine.

Na osnovu zahtijeva broj: 01-04-444/22 od 25.01.2022. godine iskazane potrebe JU Kantonalna bolnica Zenica za neophodnim nabavkama PCR i AG testova, kao i potrošnim materijalom za testiranje za period januar - juni 2022. godine iznose ukupno **377.450,00 KM**, a odnose se na: PCR testove za detekciju COVID-19, imunohromatografske AG testove, nastavke sa filterom za pipete, mikrocentrifugirne optičke tube, čepove za mikrocentrifugirne optičke tube, mikrocentrifugirne tube sa poklopcem i PCR plate (96 x 0,2ml). Treba napomenuti da su potrebe ove zdravstvene ustanove za PCR testovima iskazane na jednomjesečnom nivou iz razloga što PCR testovi koje je JU Kantonalna bolnica Zenica dobila u okviru Projekta COVID-19, koji se finansira iz sredstava Vlade Federacije BiH nisu u cjelosti utrošeni i imaju rok trajanja do 01.06.2022. godine.

JU Opća bolnica Tešanj je u svom zahtjevu broj: 506/22 od 27.01.2022. godine iskazala potrebe za finansiranjem PCR kabineta u periodu januar - juni 2022. godine u ukupnom iznosu od 340.025,00 KM, od čega se 240.025,00 KM odnosi na troškove nabavke testova, potrošnog materijala, zaštitne opreme i zaštitnih sredstava, servisiranje, održavanje i amortizaciju opreme, a 100.000,00 KM za finansiranje rada uposlenika PCR kabineta (ljekar i 2 inženjera genetike, medicinska sestra i spremačica).

Iskazane potrebe JU Opća bolnica Tešanj za pokrićem troškova nabavke PCR i AG testova sa potrošnim materijalom za period januar- juni 2022. godine iznose 240.025,00 KM, a odnose se na: testove za ekstrakciju, testove za detekciju, brzi antigenski testovi, mikrocentrifugalne tubice, od 1,5 ml nastavci sa filterom za pipete, brisevi sa medijem za uzimanje uzoraka, plejtovi i folije, zaštitna oprema i sredstva za dezinfekciju za potrebe PCR kabineta, servisiranje i održavanje opreme u PCR kabinetu.

Prema zahtjevu JU Opća bolnica Tešanj, a imajući u vidu cijene i količine, koje su korištne u projekcijama, kao i raspoloživa ukupna sredstva za sve zdravstvene ustanove, iskazane potrebe za PCR i AG testovima i potrošnim materijalom za testiranje, koje će se finansirati iz Programa iznose ukupno **172.550,00 KM**, a odnose se na:

- Testove za ekstrakciju,
- PCR testove za detekciju COVID-19,
- Brze AG testove,
- Brisevi sa medijem za uzimanje uzoraka,
- Plejtovi,
- Folije za PCR ploče,
- Mikrocentrifugalne tube od 1,5 ml i
- Nastavke sa filterom za pipete.

2. Finansijska sredstva za domove zdravlja sa područja Zeničko-dobojskog kantona za pokriće troškova nabavke AG testova, potrošnog materijala za testiranje, zaštitne opreme, zaštitnih sredstava i troškova provođenja vakcinacije (planirani iznos 200.000,00 KM)

Potrošnja AG testova je početkom 2022. godine znatno uvećana u svim domovima zdravlja, te se u skladu sa raspoloživim sredstvima u Budžetu Zeničko-dobojskog kantona obezbjeđuju sredstva koja će omogućiti pokriće navedenih troškova, kao i ostalih dodatnih troškova koje imaju zdravstvene ustanove primarne zdravstvene zaštite.

U skladu sa kriterijima navedenim u uvodnom dijelu u sljedećoj tabeli je dat pregled sredstava po svim zdravstvenim ustanovama primarne zdravstvene zaštite:

Naziv zdravstvene ustanove primarne zdravstvene zaštite	Iznos sredstava srazmjerno utrošenim AG testovima u 2021	Iznos sredstava srazmjerno broju stanovnika	Ukupan iznos sredstava
1	2	3	4 (2+3)
Dom zdravlja Breza	3.750,00	1.991,00	5.741,00
Dom zdravlja Doboju Jug	1.147,00	493,00	1.640,00

Dom zdravlja Kakanj	10.361,00	4.585,00	14.946,00
Dom zdravlja Maglaj	6.335,00	9.489,00	15.824,00
Dom zdravlja Olovo	2.575,00	1.720,00	4.295,00
Dom zdravlja Tešanj	12.287,00	9.977,00	22.264,00
Dom zdravlja Usora	1.774,00	2.455,00	4.229,00
Dom zdravlja Vareš	2.161,00	2.822,00	4.983,00
Dom zdravlja Visoko	10.942,00	6.310,00	17.252,00
Dom zdravlja Zavidovići	9.799,00	16.925,00	26.724,00
Dom zdravlja Zenica	30.535,00	34.691,00	65.226,00
Dom zdravlja Žepče	8.334,00	8.542,00	16.876,00
Ukupno	100.000,00	100.000,00	200.000,00

Odobrena sredstva zdravstvene ustanove će koristiti za poriče troškova nabavke brzih AG testova i potrošnog materijala za testiranje, zaštitne opreme, dezinfekcionih sredstava i troškova koji su u funkciji vakcinacije.

Navedena finansijska sredstva bit će transferisana zdravstvenim ustanovama, nakon usvajanja Programa, donošenjem odluka Vlade Zeničko-dobojskog kantona o odobravanju sredstava, kojim će biti definisana vremenska dinamika transferisanja sredstava, kao i obaveze zdravstvenih ustanova.

**3.2. Finansijska pomoć zdravstvenim ustanovama za pokriće dijela troškova koji su u funkciji sprečavanja širenja zarazne bolesti izazvane COVID-19, liječenja COVID-19 pozitivnih pacijenata
(planirana sredstva 1.250.000,00 KM)**

Obzirom na neizvjesnost u pogledu kretanja pandemije, sredstva u planiranom iznosu od 1.250.000,00 KM će se rasporediti zdravstvenim ustanovama u zavisnosti od kretanja higijensko-epidemiološke situacije i potreba koje u toku godine budu utvrđene kao prioritete.

Za utrošak planiranih sredstava bit će urađena dopuna ovog Programa.

Broj: 02- _____ /22
Datum, 10.03.2022. godine
Zenica

PREMIJER

Mirnes Bašić

DOSTAVLJENO:

1x Ministarstvo zdravstva,
1x Ministarstvo finansija,
1x a/a.